



**S. Augustinus, Episcopus in Africa Hipponeñsis, Veritatis
Evangelico-Catholicæ In Potioribus Fidei Controversiis
Testis Et Confessor, Contra Bellarminum Et Alios
Scriptores Papæos, antiquos pariter & ...**

Reiser, Anton

Francofurti, 1678

Lib. I. cap. 4. Qui Libri sint Sacri vel Canonici?

[urn:nbn:de:hbz:466:1-72506](https://nbn-resolving.de/urn:nbn:de:hbz:466:1-72506)

Sed ideo montes excipiunt Pacem, ut colles possint excipere iustitiam. Quae est iustitia, quam Tract. I.
colles excipiunt? Fides; quia iustus ex Fide vivit. Non autem acciperent minores anima in Joh.
Fidem, nisi maiores anime, quae montes sunt dicta, ab ipsa Sapientia illustrarentur, ut possent
parvulis trahicere, quod possent parvuli capere. Et infra: Oculos nostros cum levamus ad
Scripturas, quia per homines ministratae sunt Scripturae, levamus oculos nostros ad montes, un-
de veniet auxilium nobis. Omnia hæc non nisi internam & quasi innatam S. Scripturæ
clamat authoritatem, ad quam, dum prævio duce hoc, & Doctore tam atigusto, in qui-
busvis Fidei Controversiis, deposita omni authoritate humana, provocamus Evangelici,
iniquissimè traducimus, ac si illud ex spiritu quodam interno, sèpè fallaci & tempe-
incerto fieret, nostris in contrarium protestationibus tam sèpè iteratis in clarissima
Luce positis; ut adeò cum Schwenckfeldii Libertinorumque deliracionibus, à non bono
sed malo Spiritu profectis, nihil planè nobis esse commercii ipse Bellarminus fateri coa-
ctus fuerit, capite tertio sequenti, objectioni corum è quibusdam Pauli verbis defunctorum
occurrens, id inter alia notando, observandum esse, ne dum Libertinos & Schwenckfel-
dianos refellit, aliquid Lutheranis concedere videatur, quod non nisi de oppositis sibi
invicem opinionibus dici potuit; quamvis postmodum sui oblitus in fine capituli objectionis
Schwenckfeldianis & Lutheranis communium fecerit mentionem, quas tamen
dum ad Disputationem de Interpretatione Scripturarum & Controversiarum Justice, differ-
re Eidem placuit, ibi quoq; de iis videbimus, num ad eatum tractationem ex Augustini
armamentario aliquid subsidii sperati possit, conferentes nos ad

CAPVT QVARTVM.

Quis sint Libri Sacri vel rvere Canonici?

Hos ut eo ordine & numero, qui in Vulgata, ut dicitur, Editione juxta Tridentinam
Decisionem hodie habentur, olim quoque habitos fuisse demonstraret Bellarminus,
post duorum modò Pontificum Decreta, trium quoq; Conciliorum quam maximè
à se invicem temporis ratione dissitorum, Canones, septem Patrum Ecclesiæ Orienta-
lis testimonia, quæ nunc examinare non vacat, inter Ecclesia Occidentalis Doctores
ad Augustinum insuper provocat, eos in Librorum Canonorum numero exhiben-
tem, qui ab Evangelicis, ob causas nemini ferè ignotas, inter Apocryphos solent referri,
nominatim, libros Tobij, Judith, Maccabœorum, Sapientie, Ecclesiastici. Verum, si cap. 8.
Bellarminus & quicunque hoc testimonio superbire solent, ea Augustini Verba obser-
vasset, quæ huic enumerationi librorum in laxiori significatione Canonorum præmi-
fit, vix triumphum ante Victoriam audire cogeremur. Ita autem Patrum augustinissimus
S. Scripturarum Lectorem informavit: In Canonis Scripturis Ecclesiærum Catholicarum
rum quamplurimum autoritatem sequatur, inter quas sane ille sunt, quæ Apostolicas Sedes ha-
bere & Epistolæ accipere meruerunt. Tenebit igitur hunc modum in Scripturis Canonis,
ut eas, quæ ab omnibus accipiuntur Ecclesiæ Catholicæ, preponat eis, quas quedam non accipi-
unt. In eis vero, quæ non accipiuntur ab omnibus, preponat eas, quas plures gravioresque ac-
cipiunt, eis, quas pauciores minorisq; auctoritatis Ecclesiæ tenent. Si autem alias invenierit
à pluribus, alias à gravioribus haberi, quamquæm hoc facile invenire non possit, equalis tamen
auctoritatis eas habendas puto. Hoc Augusti Doctoris consilium, et si aliquid humani sa-
pere posset videri, illud tamen inde manifestum est, quod ipse Bellarminus infra, capite
hujus libri decimo, contra se ipsum, et si contra Chemnitium agere decreverit, apertissi-
mè agnovit, scribens: Augustinum fuisse certissimum, omnes Libros Canonicos esse infalli-
bilis Veritatis, sed non fuisse quæ certum de omnibus libris, quos enumeravit, an essent Canonici. Nam & (rectius, et si) ipse ita sentiebat, sciebat tamen, rem non fuisse adhuc à generali
Concilio definitam, & propterea potuisse sine heretica labe quosdam libros ab aliis non recipi.
Id igitur est, monet porro Bellarminus, quod dicit Augustinus, observandum esse in illis
libris, qui dicuntur Canonici, ut ii, qui ab omnibus recipiuntur, preponantur iis, qui non ab
omnibus recipiuntur; quia videlicet de prioribus major tunc erat certitudo, quam de poste-
rioribus, quod essent Canonici. Nunc autem quia generalia Concilia rem totam definierunt,
equè certissimus de auctoritate omnium Librorum, nec unum alteri præponere debemus.
Quamvis enim, quæ de Conciliorum definitionibus interserit Bellarminus & adiectit
suum mereantur examen, ita tamen Augustini mentem in cæteris dat explicatam, ut
ad rem ipsam nihil omnino desiderari possit. Nititurum, sicut ipse Bellarminus inter li-
bros primi & secundi ordinis Canonicos distinguit, ita hac response sua non obscure
indicit, Augustinum quosdam libros in strictiore, quosdam in latiore significatu Cano-
nicoꝝ

Tomi I. Controversiæ I.

4

nicos dixisse, id quod magis perspicuo ipsius Augustini testimonio demonstrari potest, de susputatione temporum a restituто Judæis templo, usque ad Aristobulum notanter scribentis: *eam non in Scripturis sanctis, quæ Canonicae appellantur, sed in aliis inveniri, in quibus sint & Maccabæorum Libri, quos non Iudei, sed Ecclesia pro Canonicas habet* (quam ob causam?) propter quorundam Martyrum passiones vehementes atq; mirabiles, qui ante, quam Christus venisset in carnem, usque ad mortem pro DEI lege certaverunt, & mala gravissima atq; horribilia pertulerunt. Et ne videatur contraria scripsisse Augustinus, libros videlicet Maccabæorum, non esse in numero Scripturarum Sanctorum, quæ Canonicae appellantur, & tamen nihil minus Ecclesiam eos pro Canonicas habere; id est notari debet, quod alibi expressius longè & multò clarius scriptis: *Scripturam, qua appellatur Maccabæorum, non habent Iudei, sicut Legem & Prophetas & Psalmos, quibus Dominus testimonium perhibet tanquam testibus suis, dicens, oportebat impleri omnia, quæ scripta sunt in Lege, & Prophetis, & Psalmis de me; sed recepta est ab Ecclesia non inutiliter, si sobrie legatur vel audiatur, maximè propter illos Maccabeos, qui pro DEI lege, sicut veri Martires a Persecutoribus tam indigna, atq; horrenda perpeccata sunt.* Nemo certè non videt, ita receptos ab Ecclesia Maccabæorum libros, (id quod de aliis quoque Apocryphis, vel juxta Bellarmini nomenclaturam ordinis secundi Canonicis, intelligi debet & potest,) statuere Augustinum, non tanquam verè Canonicos, sed latiore significatu ita dictos, id est, Canonicis adjunctos, sobrie tamen legendos vel audiendos, in iis nimis capitulo, in quibus à verè Canonicis, Fideique regulâ in iisdem contentâ, ullo dissentire videntur modo, ne videlicet Orthodoxya Sinceritas aliquid patiatur detimenti per fermentum admixtionem, id quod Evangelicos etiam statuere cum Augustino in propatulo est, extra que dubium. Post Bellarminum, & alios plures de *Canone Scripturæ* ex Augustino egit etiam *Matthias Hauzerius*, ordinis Francisci, in *Epitome Augustini*, ejusque Tomo posteriori, addens aliqua, quæ omnino hic merentur censuram & observationem. Postquam enim ex opere de *Doctrina Christiana*, testimonium hoc pertinentem adduxit prolixissimè, de quo partim contra Bellarminum, partim ex eius propria explicatione est actum, additis locis parallelis, ita subjunxit: *Videtur Augustinus hunc Canonem accepisse à Concilio Carthaginensi tertio, & sine dubio originaliter ab Ecclesia Romana.* Et ubi præmitionem Eius, recensioni librorum Scripturæ Canonicorum proximè præmissum, quæ suprà etiam cum Crisi Bellarminianâ habuimus, ad verbum citavit, de quo iterum adscripsit: *Satis exprimit Augustinus, hunc Canonem non amplius pendere ab illis judicandi regulis, quas præscriptum tum observandas necessariò, sed ex illis fuisse determinatum, utiq; publica autoritate aliquâ, notoria videlicet ac universalis in Ecclesia Catholica, quæ principaliter resideret ac præsidentia in Ecclesia Romana, à quâ tunc sine ullo dubio dependebant Ecclesiæ Africanæ, & quam hic etiam satis indicat inter eas, quæ Apostolicas habere Sedes & Epistolæ accipere meruerunt Apostolicas; quas subdit non omnes fuisse æquales, sed alias aliis graviores, & consequenter unam aliquam gravissimam & principalem, videlicet Romanam. Hinc patet antiquitas & constantia hujus sacri Canonis in Ecclesia Catholica ex tunc, & suprà & infra usque ad Concilium Florentinum, ac novissimum Tridentinum, contra temeritatem & præsumptionem novitiam hæreticorum, usurpandi privatum de hoc Canone sacro judicium, illumq; sacrilege violandi suis Censuris, exceptionibus, multilationibus.* Quod si aliquod dubium apud Augustinum de aliquo horum librorum occurrat, per hunc Canonem ex professo recensitum debet resolvi, non autem inde hic Canon vocari in dubium; & tantum censeri debet dubium de *Canone Iudeorum*, vel dubium in Ecclesia præteritum, vel dubium aliorum, non autem ipsius Augustini, qui hoc Canone tam expressè & ex professo hanc Fidem suam apud omnes extra omne posuit dubium. Ita Epitomator, uti audit à Centoribus suis, *Anatomicus*, plura in hoc Augustini testimonio videns & observans, quam Bellarminus, utut de cætero id ipsum negligens, quod Bellarminus ad mentem Augustini notavit non impertinenter. Concedamus autem, Augustinum hunc Scripturæ Canonem accepisse à Concilio Carthaginensi, quod communiter tertium vocatur, utpote cui interfuit & cum pluribus Episcopis sublapisit; utut *Coriolanus* in Annotatione ad hoc Caput, quod exhibet libros Scripturæ Canonicos, illud Decretum referat ad Concilium Carthaginense numero & ordine recepto sextum, tempore Bonifacii habitum, in quo tamen nulla est differentia, quia huic etiam interfuit Augustinus & subscriptus. Concedamus autem, ut dixi, quavis nullâ adigamur necessitate, cum fieri potuerit, ut hoc opus elaborate cœperit Augustinus sub initium Episcopatus ante, quam prius etiam celebraretur in Carthagine Concilium, atq; adeò, in quocunq; hic Scripturæ Canon fixus fuerit, illum accepit ab Augustino,

gustino, cuius authoritas apud omnes in maximo erat aestimio; concedamus, inquam, tertia vice, quod urget Epitomator *Anatomicus*, Augustinum accepisse hunc Canonem à Concilio quodam *Carthaginensi*, non tamen sequetur inde, quod idem ponit extra dubium, Augustinum originaliter hunc Canonem accepisse ab Ecclesia Romana, cùm nullum ex eis Ecclesia possit produci documentum, quod confirmationi hujus pronuntiati videatur ullá ratione idoneum. Largiamur hoc etiam, quod porrò vult *Anatomicus*, Canonē Biblicalum non amplius pendere ab illis judicandi regulis, quas Augustinus tibi visus tum temporis non inidoneas præscriptis, non tamen sequetur inde, quin potius quasi contrarium eis opponetur, quod intendit idem, hunc Canonem fuisse determinatum ex illis *authoritate publica, e.g. notoria ac universali, in Ecclesia nimirum Catholica*. Hoc enim si fuisset, omnino videtur probabile, Augustinum non denuò eas præscripturum fuisse, sed ad illam Ecclesiæ authoritatem *notoriam* indubie provocaturum; cuius cùm nulla in toto contextu hujus testimoniū Augustiniani fiat mentio, frustra id inseritur, & quasi vi quādam infertur, cum impertinenti clausulā, quod *authoritas illa principaliter fuerit in Ecclesia cādem Romanā*, addito hoc etiā, *quos sine omni dubio Ecclesia tum Africana dependent ab ea*, quod consequentia iterū frivola ex Augustini verbis conatur excusare, sed ausu plāne irrito. Quād enim absurdum est, Augustinum sub Elogio generali Ecclesiarum, certō respectu *Apostolicarum*, intelligere Romanam quoque, quod haec tenus non negamus, & insuper agnoscere aliquam inter eas *inequalitatem*, ergo etiam simul *Romanæ primatū* deferre, cuius tamen nec vola, nec ullum in Augustini verbis extat vestigium. Imò si ad laudata superius Concilia duo *Carthaginensia* respiciamus, quorum utrique ipsum interfuisse Augustinum monui, ea leguntur in iis decretis, quæ nullo planè modo hunc admittunt *primatum*, aut quasi Ecclesiæ *Africanae* agnoverint, se à *Romanā dependere*, quod suo intrā loco docebitur uberior, ubi de hoc argumento agendum erit ex instituto. Cæterū quod attinet Connexionem hujus Canonis Augustinianī, & eo quidem sensu, quo Bellarminum intelligere jam vidimus, & hinc etiam Concilii *Carthaginensis*, cum Conciliis *conf. post Florentino & Tridentino*, quæ duo posteriora ab illo non nisi integro distant *millenario*, alios VVett-stein, No. intervallo defendant, ne successio Doctrinalis in hoc etiam puncto videatur deficere. tar. ad o- Calumniam de *privato* hereticorum circa Canonem Biblicalum *judicio*, & quæ alia eidē rig. p. 224. accedunt, quia nō est obscurā, Innocentia telo muniti prætermittunt Evangelici, sequētibus etiam objectiunculis satisfacere potentes per ea, quæ Bellarminus promtā manu suppeditavit, quod brevitaris causā Lectoris industriae & judicio nunc quidē comittitur.

Ad locum Augustini ex opere de *Doctrinā Christianā*, quem ad probandam librorum utriusq; Testamenti, prout hodie leguntur in Codicibus Biblicalis, authoritatem Canonicā quasi in acie collocavit Bellarminus, hoc etiam porrò venit observandum, abuti eodem hodiē novicios *Theologie moralis* Scriptores in materia *Probabilitatis*, quam hoc demū Seculo non pauci conantur orbi obtrudere Christiano. Juvat ejus specimen adponere, ut, quid de toto hoc negotio prudenter sit statuendum, Lectori Veritatis antiquæ studio-
so hāc occasione possit innotescere. Dux erit *iulius Mercolius*, ordinis Dominicani, qui in *Basi Theologie Moralis* Bruxellæ tertium edita, secunda partis Articulo post vigesimum secundo lequens præscriptis lemma: *An sententia de sectā etiā minus probabili in concursu probabilioris, ad versetur Augustini doctrinæ? Ex mente Morali karum ita ad hanc Questi-* onem scribit: Augustinus docet, Canonicas Scripturas à pluribus Ecclesiis receptas majoris esse quidem authoritatis, quā illæ, quæ à paucioribus recipiuntur, has tamen non dicit esse contemendas, ut adverteretur Archidiaconus & Turrecremata. Cūm igitur canones minoris authoritatis minorem faciant probabilitatem, & nō sint contemendi in concursu canonum majoris authoritatis, sequitur, sententiam minus probabilem in concursu probabilioris secundum Augustinum non esse contemendam. In resolutione autē respondet, secundum Augustini mentem sectandam non esse sententiam minus probabilem in concursu probabilioris. Ad evidentiam hujus resolutionis, postquam ipsa Augustini verba adduxit, ita porrò suam ex Augustino Sententia expressit: *Circa hunc textum Nota primus*; Augustinum in eo tradere regulam adhibendi Scripturas Canonicas, seu sacram Scripturam, Epistolas Decretales, Canones Conciliorum universalium & Ecclesiarum particularium, sicut dicit *Glossa. Nota ulterius*, authoritatem harum Scripturarū fidelibus deserire, ut ex illis possint ea dignoscere, quæ Fide credere & honestè debent agere. *His notatis pro explicatione hujus Textus possunt formari tres casus. Primus*; Quomodo quis se debeat gerere in eligendis Scripturis Canonicas pro regulandis his, quæ ad Fidem & Mores spectant? *Augustinus responderet*: In Scripturis Canonicas sequatur quā plurimum

authoritatem Ecclesiarum Catholicarum, inter quas sane sunt illæ, quæ Apostolicas Sedes habere & Epistolas accipere meruerunt. *Secundus*, sunt aliquæ Scriptura Canon. quæ recipiuntur ab omnibus Ecclesiis; alia verò solum recipiuntur à quibusdam. Si in aliquo casu sentirent contraria, quas ex his populus fidelis deberet sectari? *Augustinus respondet*: Illas Scripturas, quæ ab omnibus accipiuntur Ecclesiis, præponat eis, quas quædam non accipiunt. *Tertius*, sunt aliquæ Scripturæ, quæ recipiuntur à pluribus Ecclesiis & gravioribus; alia verò à paucioribus & minoris autoritatis. In hoc casu quas unusquisque fidelis tenet sequi? *Augustinus responderet*: In his Scripturis, quæ non accipiuntur ab omnibus, præponat eas, quas plures gravioresq; accipiunt, eis, quas pauciores & minoris autoritatis Ecclesiæ tenent. *Basilissa subiungit*, ex resolutione hujus tertii casus expresse habetur Adsertio nostra. Supposito enim, quod Scripturæ Ecclesiarum autoritatis minoris suam habeant probabilitatem; consequenter Scripturæ Ecclesiarum autoritatis majoris majorem habebunt in suis Sententiis probabilitatem. *Dicit ergo Doctor sanctus*, in casu, quo contingat ut dictis Scripturis, eas esse sequendas, quæ majoris sunt autoritatis, consequenter majoris (etiam) probabilitatis, relictis aliis minoris probabilitatis. Et quia oponitur porrò, Augustinum loqui hoc loco de usu Scripturarum Canonicarum in his solùm, quæ ad Fidem spectant, & non de iis, quæ mores concernunt, consequenter hanc autoritatem non esse ad rem pro hac controversia; *Basilissa reponit*, hanc limitationem esse omnino voluntariam, imò aperte deprehendi falsam ex contextu, in quo postquam tradidit Sanctus Præsul regulam adhibendi Scripturas Canonicas, & harum Scripturarum libros enumeravit, admettit statim: *In his omnibus libris timentes Deum & pietate mansueti querunt voluntatem DEI, cuius operis & laboris prima observatio est, ihsos nosse libros; deinde illa, quæ in eis aperte sunt posita, vel precepta vivendi, vel regule credendi, solerter diligenterq; sunt investiganda, que quanto quiaq; plura inveniuntur, tanto est intelligentia capacior. In his enim, quæ aperte in Scripturæ sunt posita, illa inveniuntur omnia, quæ continent Fidem moresq; vivendi.* Quid clarius, inquit Basilissa? Ergo hæc regula Augustini defecundâ probabilitati non est limitanda ad Controversias (tantum) Fidei, cùm ad mores etiam Sanctus Præsul eam extendat. *Tandem, inquit*, ad Argumentum in principio factū conceditur, Scripturas Canonicas, quæ à paucioribus Ecclesiis recipiuntur, non esse contemendas; tamen quando concurrunt cum aliis, quæ à pluribus recipiuntur, debent postponi, & est idem quod dicere, opinionem minus probabilem non esse contemendam, quia suam habet probabilitatem, ad differentiam Sentientiæ temerariæ, tamen considerata in concurso probabiliors est postponenda, nec propter hoc dicitur contemni &c. *Sic ille Basilissa ad locum Augustini*, quæ quomodo ad mentem Sancti Doctoris in præsenti Controversia ritè percipiendam possint inservire. *Lector judicandi peritus, me etiam tacente videt, ut non opas sit prolixè id ostendere.*

CAPUT SEPTIMUM.

De Libro Esther

Cujus autoritatem Canonicam Evangelici indubiam planè habent, quoad ea, quæ in authentico extant Textu, non autem quoad appendices non unâ de causa suspectissimos, & hinc Canone indignos; quos ut Bellarmius ad normam Tridentinæ Decisionis, contra explicationem Sixti Senensis, ad parem cum ipso libro evocat authoritatē, authoritate Augustini etiam præter alios se id impetrare posse existimat, nixus nō solùm eo testimonio, quod è libris de Doctrinâ Chritianâ in capite præcedante vindicavit⁹, Epist. 199, sed & citatione quadam, quâ Augustinus alibi ex dictis hujus libri appendicibus aliquid citavit. Cui minus augustæ demonstrationi, nescio, an commodius obviam possitiri, quam si huc adscribatur responsum Tanneri, quo cludere se posse putavit citatam à se sibi objectam Chemnitii & Hunnii, pro Canonicis Vet. Test. libris, è citatione Novi Testamenti desumptam probationem, ita scribens: *Ergone, qui allegantur Sacri erunt? Erit igitur sacer Scriptor Epimenides Poeta, cuius illud allegat Paulus: Crentes semper mendaces, &c. Sacer etiam erit Menander cuius illum citat Senarium; Corrumptum bonos mores colloquia prava. Sacer denique erit Aratus, ex quo in testem vocato hemisticium illud profert item Paulus, Ipsi enim & genus sumus. Sed forte non tam honorifice citantur Poeta isti, quam Prophetæ Veteræ Testamenti.* Sane Paulus cum Epimenide adducit, rotat eum proprium Cretenum Prophetam, ejusq; testimoniū tanquam verum aperte comprobat, quod vix ita de Mose dicit. Uno verbo fieri potest, ut ab Apostolis & Evangelistis citentur aut citati fuerint libri quidam Veteris Testamenti etiam non Sacri, ut ex adductis similibus exemplis liquet, idq; re ipsa accidisse circa librum Enoch & alios, qui citati interierunt, & nonnulli Patres & Viri doctissimi sentiunt. Ergo ex sola per se aliquas libri citatione non sufficienter colligitur, cum librum esse Sacrum & Canonicum. Potuisse Heryonymi de his citationib; Paulinis autoritatē interposuisse, graviter easdem enucleauis, nisi Papista Papistam opponere consuluit usque vixum, cuius verba eti non omnia ejusdem sint astimii, nec etiam ex ase propositæ objectioni faciant satis, tam ad enyandam autoritatem Canonican citatione Augustinianā nixam esse possunt sufficientia. Sed audi.

Theol.
Scol.
Tom. III.
p. 300.

vid. D.
Walsh.
Cent. Mi
scell. pag.
612. & R.
tersh. S.
Lect. p.
160.